



Број/ Број : 02/2-50-1-13-19/08
Сарајево/ Сарајево: 29.10.2008.

ZAPISNIK

19. sjednice Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine, održane 22.10.2008.

Sjednicu Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH (u daljnjem tekstu: Komisija) sazvala je predsjedavajuća Komisije Alma Čolo.

Sjednici Komisije, u svojstvu članova, prisustvovali su: Alma Čolo, Rudo Vidović, Dušanka Majkić, Adem Ibrahimpašić, Branko Zrno i Slobodan Šaraba, te Nenad Pandurević, sekretar, i Dobrinka Savić, stručni saradnik u Komisiji.

Sjednici su, u svojstvu predlagača i izvjestilaca, prisustvovali: Vera Letica i Miroljub Krunić, pomoćnici ministra finansija i trezora BiH, Kojo Koprivica, pomoćnik ministra komunikacija i prometa BiH, Draženka Malićbegović, pomoćnica ministra, i Damir Dizdarević, pomoćnik ministra civilnih poslova BiH, Hajrudin Podbičanin, pomoćnik ministra, Senad Oprašić, šef Odsjeka, i Vanda Medić, viši stručni saradnik u Ministarstvu vanjske trgovine i ekonomskih odnosa BiH, Dunja Mijatović, direktorica Sektora u Regulatornoj agenciji za komunikacije BiH, Mitar Pavić, šef Odsjeka za međunarodno-pravne poslove u Ministarstvu vanjskih poslova BiH, Janja Kožul, šef Odsjeka, i Jovana Anđelić, viši stručni saradnik u Ministarstvu sigurnosti BiH, Amela Alihodžić, pomoćnica direktora, Zara Halilović, v.d. pomoćnice direktora, i Dženana Hodžić, šef Odsjeka u Direkciji za evropske integracije BiH, Helena Tavra, stručni savjetnik u Ministarstvu pravde BiH, Savo Marjanac, direktor Sektora privrede u Vanjskotrговинској komori BiH, i Zoran Brkić, viši stručni saradnik u Sektoru za odnose s javnošću PSBiH.

Sjednica Komisije počela je u 12 sati.

Predsjedavajuća Alma Čolo otvorila je raspravu o predloženom dnevnom redu i s tim u vezi predložila da se tačka 5. predloženog dnevnog reda, a koja se odnosi na davanje saglasnosti za ratifikaciju Privremenog sporazuma o trgovini i trgovinskim pitanjima između Evropske zajednice i Bosne i Hercegovine, briše. Objasnila je da je prvobitno Predsjedništvo BiH, uz Sporazum o stabilizaciji i pridruživanju, zatražilo i davanje saglasnosti na Privremeni sporazum, zbog čega je ovaj sporazum i bio predložen kao tačka dnevnog reda. Međutim, u međuvremenu se Predsjedništvo BiH, 17.10.2008., obratilo novim dopisom i zatražilo davanje saglasnosti samo za ratifikaciju Sporazuma o stabilizaciji i pridruživanju, dakle, bez Privremenog sporazuma, s obzirom da je tekst Privremenog sporazuma praktično sadržan u glavnom tekstu SSP-a.

U nastavku rasprave o predloženom dnevnom redu, Slobodan Šaraba predložio je brisanje tačke 21. koja se odnosi na razmatranje dopisa Radio-televizije Bosne i Hercegovine o aktuelnoj situaciji u toj kući. U obrazloženju ovog zahtjeva istakao je da je potrebno da se rasprava o aktuelnoj situaciji u RTVBiH vodi na osnovu i drugih dokumenata koji su dostavljeni PSBiH, a prije svaga na osnovu dopisa predsjednika Upravnog odbora. Dodao je da smatra da je potrebno da se kompletiraju svi materijali o stanju u RTVBiH pa da se tek onda o tome raspravlja na sjednici Komisije.

Predsjedavajuća je podsjetila da je ova tačka uvrštena u dnevni red na osnovu dopisa Kolegija Doma naroda kojim je dopis menadžmenta RTVBiH proslijeđen Komisiji na razmatranje. Dodala je da ona nema informacije o nekim drugim dopisima o stanju u Radio-televiziji BiH. Slobodan Šaraba je na to uzvratio da on ima i dopis predsjednika Upravnog odbora koji jasno i nedvosmisleno demantira tvrdnje iznesene u dopisu generalnog direktora Mehmeda Agovića.

Dušanka Majkić istakla je da ne želi da Komisija u ovom pitanju napravi bilo koji pogrešan korak, te dodala da smatra da je za raspravu o aktuelnoj situaciji u Radio-televiziji BiH potreban, ne samo dopis predsjednika Upravnog odbora, nego i zaključci nadležne komisije Predstavničkog doma. Također je napomenula da smatra da Komisija neće ništa propustiti ako ovo pitanje danas skine s dnevnog reda.

Adem Ibrahimpašić kazao je da ni on nema materijal od Upravnog odbora Radio-televizije BiH, ali smatra da se o ovom pitanju danas može raspravljati.

Branko Zrno pitao je da li smo mi nadležna komisija, jer su materijali dostavljeni nadležnoj komisiji Predstavničkog doma. Prema njegovom mišljenju, Kolegij je samo prebacio lopticu Komisiji. Slaže se s prethodnim učesnicima u raspravi da je za razmatranje aktuelne situacije u RTVBiH potrebno da imaju sve materijale.

Nakon toga pristupilo se glasanju o predloženim izmjenama dnevnog reda. Prijedlog da se tačka 5. briše prihvaćen je jednoglasno dok je prijedlog Slobodana Šarabe da se briše tačka 21. prihvaćen s tri glasa „za“ i dva glasa „protiv“.

Nakon toga, predsjedavajuća Komisije Alma Čolo predložila je za sjednicu sljedeći

DNEVNI RED

1. Usvajanje Zapisnika 18. sjednice Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH;
2. Razmatranje Prijedloga zakona o izmjenama i dopuni Zakona o carinskoj politici BiH, (druga komisijska faza), predlagač: Vijeće ministara BiH;
3. Razmatranje Prijedloga zakona o Agenciji za razvoj informacionog društva BiH (ZARID), (prva komisijska faza), predlagač: Vijeće ministara BiH;
4. Davanje saglasnosti za ratifikaciju Sporazuma o stabilizaciji i pridruživanju između Evropskih zajednica i njihovih država članica i Bosne i Hercegovine;
5. Davanje saglasnosti za ratifikaciju Sporazuma između Bosne i Hercegovine i Kraljevine Danske o olakšicama kod izdavanja viza;
6. Davanje saglasnosti za ratifikaciju Sporazuma između Bosne i Hercegovine i Kraljevine Norveške o olakšicama kod izdavanja viza;
7. Davanje saglasnosti za ratifikaciju Memoranduma o razumijevanju o institucionalnom okviru za Inicijativu za prevenciju i pripravnost za katastrofe u jugoistočnoj Evropi;
8. Davanje saglasnosti za ratifikaciju Konvencije o dostavljanju u inostranstvo akata u građanskim i trgovačkim stvarima, Hag, 15. novembra 1965.;

9. Davanje saglasnosti za ratifikaciju Konvencije o pribavljanju u inozemstvu dokaza u građanskim i trgovačkim stvarima, Hag, 18. marta 1970.;
10. Davanje saglasnosti za ratifikaciju Sporazuma između Bosne i Hercegovine, koju predstavlja Ministarstvo civilnih poslova BiH, i Komonvelta Australije, koju predstavlja Ministarstvo zdravlja, vezano za određena prava korištenja AR-DRG sistema klasifikacije;
11. Davanje saglasnosti za ratifikaciju Sporazuma između Bosne i Hercegovine i Republike Mađarske o socijalnom osiguranju i socijalnoj sigurnosti;
12. Davanje saglasnosti za ratifikaciju Administrativnog sporazuma za provođenje Sporazuma između Bosne i Hercegovine i Republike Mađarske o socijalnom osiguranju i socijalnoj sigurnosti;
13. Davanje saglasnosti za ratifikaciju Protokola iz Kartagene o biosigurnosti uz Konvenciju Ujedinjenih naroda o biološkoj raznolikosti;
14. Davanje saglasnosti za ratifikaciju Sporazuma o finansiranju između Bosne i Hercegovine i Komisije Evropskih zajednica u pogledu prekograničnog programa između Bosne i Hercegovine i Republike Hrvatske za 2007. godinu na osnovu instrumenta za pretpristupnu pomoć – Komponenta II Prekogranična saradnja;
15. Davanje saglasnosti za ratifikaciju Sporazuma o finansiranju između Bosne i Hercegovine i Komisije Evropskih zajednica u pogledu prekograničnog programa između Bosne i Hercegovine i Republike Srbije za 2007. godinu na osnovu instrumenta za pretpristupnu pomoć – Komponenta II Prekogranična saradnja;
16. Davanje saglasnosti za ratifikaciju Sporazuma o finansiranju između Bosne i Hercegovine i Komisije Evropskih zajednica u vezi s nacionalnim programom za 2007. godinu u okviru instrumenta za pretpristupnu pomoć – Komponenta za pomoć u tranziciji i izgradnji institucija;
17. Davanje saglasnosti za ratifikaciju Sporazuma o zajmu, finansiranju i projektu između KfW Frankfurt am Main i Bosne i Hercegovine, koju zastupa Ministarstvo finansija i trezora, Federacije BiH, koju zastupa Ministarstvo finansija, i Elektroprivrede Hrvatske zajednice Herceg Bosne d.d. Mostar (EP HZHB) – Sanacija hidroelektrane Rama;
18. Davanje saglasnosti za ratifikaciju Sporazuma o izmjenama i dopunama br. 1 Ugovora o zajmu, od 1. augusta 2006., između Bosne i Hercegovine i Evropske banke za obnovu i razvoj – Projekat upravljanja zračnim saobraćajem;
19. Razmatranje rang-liste kandidata za člana Upravnog odbora Javnog radiotelevizijskog servisa BiH iz reda ostalih (Rang-lista Vijeća Regulatorne agencije za komunikacije BiH);
20. Razmatranje dopisa predsjedavajućeg Parlamenta Republike Moldavije u vezi sa uspostavljanjem interparlamentarne radne grupe u jugoistočnoj Evropi, (Dopis Kolegija Doma naroda Parlamentarne skupštine BiH, broj: 02-50-1-24-18-4/08, od 3.9.2008.);
21. Informacija Ministarstva vanjskih poslova BiH o zasjedanju Komiteta za vanjske poslove Evropskog parlamenta (AFET), 6. i 7. 10. 2008.;
22. Tekuća pitanja:
 - Zabilješka sa zajedničkog sastanka Komisije za vanjske poslove Predstavničkog doma Parlamentarne skupštine BiH i Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH s novoimenovanim ambasadorima Bosne i Hercegovine, održanog 11.9.2008.

Predloženi dnevni red usvojen je jednoglasno.

Ad.1. Usvajanje Zapisnika 18. sjednice Komisije

Zapisnik je usvojen jednoglasno.

Ad.2. Razmatranje Prijedloga zakona o izmjenama i dopuni Zakona o carinskoj politici BiH, (druga komisijska faza), predlagač: Vijeće ministara BiH

Predsjedavajuća je podsjetila da je Prijedlog zakona o izmjenama i dopuni Zakona o carinskoj politici BiH u parlamentarnu proceduru dostavilo Vijeće ministara BiH, 26.6.2008., s prijedlogom da se razmatra u osnovnom zakonodavnom postupku. Predstavnički dom usvojio je Prijedlog zakona u drugom čitanju na 34. sjednici, održanoj 3.9.2008., u predloženom tekstu. Dom naroda usvojio je Zakon u prvom čitanju na 21. sjednici, održanoj 17.9.2008. Na prijedlog zakona nije bilo amandmana.

Nakon toga su članovi Komisije za vanjsku i trgovinsku politiku, carine, saobraćaj i komunikacije, s četiri glasa „za“ i jednim „suzdržanim“, prihvatili Prijedlog zakona.

Ad.3. Razmatranje Prijedloga zakona o Agenciji za razvoj informacionog društva BiH (ZARID), (prva komisijska faza), predlagač: Vijeće ministara BiH

Uvodno obrazloženje Prijedloga zakona dao je Kojo Koprivica, pomoćnik ministra komunikacija i prometa BiH. Istakao je da se ideja o osnivanju Agencije pojavila još prije četiri godine (novembra 2004. godine) kada je Vijeće ministara BiH donijelo politiku, strategiju i akcioni plan za razvoj informacionog društva. Tada je konstatirano da bi za realizaciju usvojenih dokumenata bilo neophodno da se osnuje institucija koja bi na tome radila, jer Ministarstvo nema taj kapacitet. Još tada je predloženo da to bude samostalna agencija, a ne u sastavu nekog ministarstva. Predloženi zakon predviđao je da poslove agencije obavlja Direkcija za provođenje CIPS projekta. Međutim, taj prijedlog zakona nije podržan u Predstavničkom domu. Prijedlog zakona zajedno sa svim iznesenim primjedbama vraćen je Vijeću ministara BiH. Sada je pripremljen novi prijedlog zakona, gdje se CIPS u potpunosti odvaja a predviđa se uspostavljanje agencije koja bi se isključivo bavila pitanjima informacionog društva. Napomenuo je da su eksperti ocijenili da potencijal informacionog društva u Bosni i Hercegovini ima toliki ekonomski značaj, skoro kao i Koridor Vc. Pozvao je članove Komisije da podrže principe Zakona a da se u narednoj fazi kroz amandmane eventualno izvrše neke izmjene u predloženom tekstu ako za tim bude potrebe. Dalje je naglasio da su početkom godine entitetske vlade dostavile mišljenja o predloženom zakonu, koji su u osnovi podržale uz određene primjedbe. Dostavljene primjedbe ugrađene su u ovaj tekst prijedloga zakona i u tom smislu je posebno apostrofirao član 21. kojim je predviđeno da je Agencija za razvoj informacionog društva BiH posebno dužna da saraduje s entitetskim agencijama za informaciono društvo. Agencija ne preuzima nadležnosti drugih agencija na entitetskom nivou (mada u ovom trenutku postoji samo takva agencija u Republici Srpskoj ali ne i u Federaciji BiH). Na kraju je dodao da je čuo da postoje i neka druga mišljenja o predloženom zakonu od strane entiteta, ali da ih Ministarstvo nije dobilo.

(Nakon izlaganja Koprivice, predsjedavajuća Čolo konstatirala je da se sjednici pridružio Rudo Vidović, šesti član Komisije, tako da je od tog trenutka Komisija nastavila raditi u punom sastavu.)

Dušanka Majkić je u svojoj diskusiji istakla da je bila jedan od učesnika i prilikom izrade prethodnog zakona koji je bio jako loš kako zbog toga što je uključivao CIPS tako i zbog nekih drugih rješenja. Čudno je da je trebalo četiri godine da Bosna i Hercegovina napravi novi dokument. U međuvremenu je Republika Srpska uspostavila vlastitu agenciju i donijela strateški i akcioni plan, ne čekajući da se to uradi na nivou Bosne i Hercegovine. I sada kada je konačno nakon toliko vremena došao novi prijedlog zakona, vidi se da nisu napravljena sva potrebna usaglašavanja. Dodala je da svi zakoni koji nisu prošli proceduru usaglašavanja postaju problematični u parlamentarnoj proceduri.

Dalje je istakla da ona kao delegat iz Republike Srpske ima eksplicitan stav Vlade Republike Srpske u kojem stoji da ne postoji ustavni osnov za donošenje zakona s obzirom da su pojedine odredbe u direktnoj koliziji sa Ustavom Republike Srpske u kojem je jasno naglašeno da je tehnološki razvoj, u koji spada i informaciono društvo, u isključivoj nadležnosti entiteta. Izrazila je žaljenje što je nakon toliko vremena koje je bilo potrebno da se pripremi novi prijedlog zakona dostavljen prijedlog koji nije usaglašen. Naročito je istakla žaljenje što niko iz Vijeća ministara BiH, prije svega iz nadležnog ministarstva, nije smatrao potrebnim da se izvrše određena usaglašavanja, na što je trebalo potrošiti mnogo više vremena i istakla je da je sigurna da je tako urađeno da bi bilo nađeno prihvatljivo rješenje. Na kraju je istakla da ona kao delegat iz Republike Srpske ne može podržati principe ovog zakona.

Rudio Vidović istakao je da on za razliku od gđe Majkić snažno podržava i ustavni osnov i principe predloženog zakona, a ključni razlog za to je što su strateški dokumenti u oblasti informacionog društva usvojeni još prije četiri godine, a Agencija za razvoj informacionog društva trebalo bi da ima ključnu ulogu u realizaciji tih dokumenata. Bez uspostavljanja agencije strategija će ostati mrtvo slovo na papiru, te on stoga snažno podržava principe predloženog zakona a u amandmanskoj fazi predložit će amandmane na pojedina rješenja u zakonu na koja ima primjedbe.

Slobodan Šaraba podsjetio je da je prethodni dan Ustavnopravna komisija većinom glasova utvrdila da postoji ustavni osnov za donošenje ovog zakona. Međutim, dodao je da je stav delegata iz Republike Srpske u Ustavnopravnoj komisiji bio da se ovim zakonom prenose nadležnosti s Republike Srpske na BiH. Podsjetio je na stav Vlade Republike Srpske koji je iznijela gđa Majkić, kao i na činjenicu da je Vlada Republike Srpske već formirala Agenciju te da je stoga neophodno da se izvrše usaglašavanja s Vladom RS-a da bi se donio jedan ovakav zakon na nivou BiH.

Gđa Majkić dodala je da smatra da je potrebno da Ministarstvo komunikacija i prometa BiH obavi dodatna usaglašavanja s Vladom Republike Srpske, te je predložila da se izjašnjavaње o principima predloženog zakona odgodi za narednu sjednicu, kako zakon ne bi bio odbijen. Ponovila je da ona ima eksplicitan stav Vlade RS-a i da ovakav prijedlog zakona ne može podržati, te da će isto biti i s drugim zakonima koji ne prođu potrebna usaglašavanja.

Koprivica je ponovio da je ministarstvo dobilo mišljenje Vlade RS u januaru ove godine i da su dostavljene primjedbe ugrađene u ovaj tekst prijedloga zakona. Ponovo je pozvao članove Komisije da podrže Prijedlog zakona a da se eventualne izmjene i popravke urade u amandmanskoj fazi.

Šaraba je podržao prijedlog gđe Majkić da se Komisija ne izjašnjava na današnjoj sjednici o Prijedlogu zakona, nego da se to odgodi a da Ministarstvo u međuvremenu obavi usaglašavanja s Vladom Republike Srpske. U suprotnom, prema njegovom mišljenju, Zakon će doći na sjednicu Doma naroda i tu će mu biti kraj i zato je bolje naparaviti malo čekanje i pokušati doći do rješenja.

Dušanka Majkić dodala je da je spremna da se lično angažira u Vladi Republike Srpske da bi se riješila kolizija odredbi ovog zakona s agencijom u Republici Srpskoj. Istakla je da je uvijek zagovarala potrebu da Bosna i Hercegovina dobije agenciju za razvoj informacionog društva, ali je podsjetila i na odluku Vlade Republike Srpske prema kojoj je za svaki prijenos nadležnosti neophodna odluka Narodne skupštine Republike Srpske.

Branko Zrno istakao je da je svakom normalnom čovjeku u 21. stoljeću stalo do jednog ovakvog zakona, i kako bi se spriječilo da zakon padne u Domu naroda, također je podržao prijedlog o prolongiranju izjašnjavaња o principima Zakona. Na taj način dobilo bi se vrijeme da se nadležno ministarstvo i Vlada Republike Srpske usaglase.

Adem Ibrahimpašić je u svom obraćanju rekao da nema ništa protiv ni da se izjašnjavaње odgodi, ali da smatra da je bolje da se eventualni nedostaci u Prijedlogu zakona otklone u amandmanskoj fazi.

U ponovnom obraćanju Vidović je istakao da se raduje što svi članovi Komisije smatraju da je Zakon potreban. Ponovio je da on podržava principe Prijedloga zakona, ali je dodao da je spreman prihvatiti i zaključak da se odgodi izjašnjavanje o principima predloženog zakona, ako bi to moglo pomoći da Zakon ne padne u Domu naroda, mada je izrazio sumnju u to.

Predsjedavajuća Čolo ukazala je na određene probleme proceduralne prirode ako bi izjašnjavanje o principima predloženog zakona bilo odgođeno. Prvi problem je što bi se obrazloženje o odgađanju izjašnjavanja trebalo zasnivati na pitanju ustavnog osnova, kako su to naglasili delegati iz Republike Srpske, ali pitanje ustavnog osnova nije u nadležnosti ove komisije, nego je to nadležnost Ustavnopravne komisije i ona je već rekla da postoji ustavnopravni osnov. Drugi problem pojavit će se zbog činjenice da je Vijeće ministara BiH utvrdilo Prijedlog zakona i uputilo ga u parlamentarnu proceduru i ako bi se željela napraviti bilo kakva izmjena u tom prijedlogu, to bi zahtijevalo njegovo ponovno vraćanje Vijeću ministara BiH. Poseban problem bi se pojavio i zbog toga što je Predstavnički dom već usvojio Prijedlog zakona u prvom čitanju, odnosno usvojio njegove principe. Svaka izmjena u Prijedlogu zakona do koje bi moglo doći kroz naknadna usaglašavanja dovela bi do situacije da se razmatra drugi prijedlog zakona u odnosu na onaj koji je već usvojen u prvom čitanju u Predstavničkom domu.

Dušanka Majkić potvrdila je da je Prijedlog zakona usvojen u prvom čitanju u Predstavničkom domu ali je naglasila da se to desilo zbog toga što nije bilo dovoljno srpskih predstavnika. Međutim, izrazila je očekivanje da Zakon neće dobiti podršku u drugom čitanju. Dodala je da ona želi da se to spriječi, da se ne dogodi da Zakon padne i zbog toga je iznijela i današnji prijedlog da se odgodi izjašnjavanje o principima Zakona.

Nakon rasprave, predsjedavajuća Čolo konstatirala je da na traženje članova Komisije iz Republike Srpske, koji smatraju da u proceduri izrade Prijedloga zakona nisu obavljene sve potrebne konsultacije s Vladom Republike Srpske, predlaže da se Komisija za vanjsku i trgovinsku politiku, carine, saobraćaj i komunikacije Doma naroda PSBiH izjasni o sljedećem zaključku:

“S ciljem obavljanja dodatnih konsultacija s Vladom Republike Srpske u vezi s Prijedlogom zakona o Agenciji za razvoj informacionog društva BiH (ZARID), odgađa se izjašnjavanje o principima Prijedloga zakona za narednu sjednicu Komisije“.

Zaključak je prihvaćen sa 4 glasa „za“ i 2 glasa „protiv“, tako da se Komisija nije izjašnjavala o principima Prijedloga zakona o Agenciji za razvoj informacionog društva BiH.

Ad.4. Davanje saglasnosti za ratifikaciju Sporazuma o stabilizaciji i pridruživanju između Evropskih zajednica i njihovih država članica i Bosne i Hercegovine

Uvodno obrazloženje o Sporazumu o stabilizaciji i pridruživanju dala je Dženana Hodžić, šef Odsjeka za proces stabilizacije i pridruživanja u Direkciji za Evropske integracije BiH. Istakla je da je Sporazum po odluci Predsjedništva BiH potpisao predsjedavajući Vijeća ministara BiH. Odredbe sporazuma koje se tiču slobodnog kretanja robe, konkurencije i transporta stupile su na snagu već 1. jula ove godine na osnovu odluka koje su donijele odgovarajuće institucije Evropske unije i Odluke Predsjedništva BiH, od 4. juna ove godine. Na bazi te odluke Predsjedništva BiH, odobren je Privremeni sporazum i naloženo njegovo objavljivanje u "Službenom glasniku BiH". Naglasila je da odredbe Privremenog sporazuma čine dio integralnog teksta Sporazuma o stabilizaciji i pridruživanju i da sadrže opće principe koji se tiču političkih uslova koji su karakteristični za sve ugovore Evropske unije, kao i odredbe o trgovini, slobodnom transportu zatim anekse i protokole koji se tiču slobodnog kretanja industrijskih, poljoprivrednih, prehrambenih i drugih proizvoda.

Nakon što je predsjedavajuća Komisije istakla važnost potpisivanja Sporazuma, članovi Komisije jednoglasno su odlučili predložiti Domu naroda davanje saglasnosti za ratifikaciju Sporazuma o stabilizaciji i pridruživanju između Evropskih zajednica i njihovih država članica i Bosne i Hercegovine.

Ad.5. Davanje saglasnosti za ratifikaciju Sporazuma između Bosne i Hercegovine i Kraljevine Danske o olakšicama kod izdavanja viza;

Ad.6. Davanje saglasnosti za ratifikaciju Sporazuma između Bosne i Hercegovine i Kraljevine Norveške o olakšicama kod izdavanja viza;

Predsjedavajuća Komisije Alma Čolo predložila je da se tačke 5. i 6. zajedno razmatraju s obzirom da se odnose na olakšice kod izdavanja viza za koje je nadležno Ministarstvo sigurnosti BiH.

Uvodno obrazloženje za oba sporazuma dala je Janja Kožul, šef Odsjeka u Ministarstvu sigurnosti BiH. Istakla je da ovi sporazumi predstavljaju konkretan korak u pravcu slobodnog viznog režima za putovanja i olakšavaju kontakt između naroda, što je važan uslov za stabilan razvoj ekonomskih, humanitarnih, kulturnih, naučnih i drugih veza. Oba sporazuma o olakšicama kod izdavanja viza su u potpunosti usklađeni s već postojećim Sporazumom o olakšicama kod izdavanja viza, koji je stupio na snagu 1.1.2008. između Bosne i Hercegovine i Evropske zajednice. Ugovori su tipski i predviđaju iste uslove. Sporazum između Bosne i Hercegovine i Kraljevine Danske potpisan je 2.jula 2008., dok je Sporazuma između Bosne i Hercegovine i Kraljevine Norveške potpisan 22.jula 2008.

Nakon izlaganja predstavnika nadležnog Ministarstva sigurnosti BiH, članovi Komisije jednoglasno su odlučili predložiti Domu naroda davanje saglasnosti za ratifikaciju:

- *Sporazuma između Bosne i Hercegovine i Kraljevine Danske o olakšicama kod izdavanja viza, i*
- *Sporazuma između Bosne i Hercegovine i Kraljevine Norveške o olakšicama kod izdavanja viza.*

Ad.7. Davanje saglasnosti za ratifikaciju Memoranduma o razumijevanju o institucionalnom okviru za Inicijativu za prevenciju i pripravnost za katastrofe u Jugoistočnoj Evropi

Obrazloženje vezano za tačku 7. dala je Jovana Anđelić, viši stručni saradnik u Ministarstvu sigurnosti BiH. Istakla je da je inicijativa za spremnost i prevenciju u katastrofama za jugoistočnu Evropu razvijena unutar Pakta stabilnosti s ciljem podizanja kapaciteta zemalja regiona u sprečavanju i otklanjanju posljedica katastrofa. Kroz projekte ove inicijative organiziraju se treninzi, edukacije i opremanja struktura koje su uključene u ove aktivnosti. U procesu tranzicije Pakta stabilnosti u vlasništvo zemalja regiona u proteklih godinu dana učinjeni su veliki naponi da se regulira budući institucionalni okvir ove inicijative gdje bi dalju brigu o njenom funkcioniranju praktično preuzele zemlje regiona i ti naponi rezultirali su pomenit memorandumom. Predloženi memorandum odražava političke stavove i realne potrebe zemalja regiona za nastavak funkcioniranja ove inicijative koje su to iskazale kroz proces usaglašavanja teksta Memoranduma u kojem su aktivno učestvovali i predstavnici Ministarstva sigurnosti BiH. Memorandum je dio vanjskopolitičkog prioriteta povezivanja BiH sa zemljama u regionu, a nudi i konkretnu materijalnu pomoć kroz projekte koji se vode i planiraju u okviru ove inicijative, kao što su obuka i opremanje struktura civilne zaštite. Tekst Memoranduma usaglasili su predstavnici zemalja članica Inicijative na sastanku održanom 17. aprila 2007. u Bukureštu, a predstavnik BiH Samir Agić, pomoćnik ministra sigurnosti BiH, potpisao ga je 8. aprila 2008.

Imajući u vidu značaj potrebe za potpisivanjem Memoranduma o razumijevanju o institucionalnom okviru za Inicijativu za prevenciju i pripravnost za katastrofe u jugoistočnoj Evropi, predstavnica Ministarstva sigurnosti BiH predložila je Komisiji da Domu naroda uputi prijedlog za njegovu ratifikaciju.

Nakon obrazloženja članovi Komisije jednoglasno su odlučili predložiti Domu naroda davanje saglasnosti za ratifikaciju Memoranduma o razumijevanju o institucionalnom okviru za Inicijativu za prevenciju i pripravnost za katastrofe u jugoistočnoj Evropi.

Ad.8. Davanje saglasnosti za ratifikaciju Konvencije o dostavljanju u inozemstvo akata u građanskim i trgovačkim stvarima, Hag, 15. novembra 1965.;

Ad.9. Davanje saglasnosti za ratifikaciju Konvencije o pribavljanju u inozemstvu dokaza u građanskim i trgovačkim stvarima, Hag, 18. marta 1970.

Predsjedavajuća je ponovo predložila da se ova dva sporazuma razmatraju zajedno, s obzirom da su oba u nadležnosti Ministarstva pravde BiH i da se njima reguliraju srodna pitanja.

Obrazloženje za sporazume iz tačke 8. i 9. dnevnog reda dala je Helena Tavra, stručni savjetnik u Ministarstvu pravde BiH. Istakla je da je više od 50 zemalja potpisalo ove konvencije. Cilj potpisivanja Konvencije o dostavljanju u inostranstvo akata u građanskim i trgovačkim stvarima, Hag, 15. novembra 1965., jeste stvaranje odgovarajućih instrumenata da bi sudski i vansudski akti koji treba da budu dostavljeni u inozemstvo bili blagovremeno poznati onima kojima su i namijenjeni, te da se u tu svrhu poboljša organizacija uzajamne sudske pomoći pojednostavljenjem i ubrzanjem postupka. Konvencijom o pribavljanju u inozemstvu dokaza u građanskim i trgovačkim stvarima, Hag, 18. marta 1970., povećava se efikasnost uzajamne sudske saradnje u građanskim i trgovačkim stvarima te olakšava dostavljanje i izvršenje zamolnica i približavanje različitih metoda koje se koriste u te svrhe.

Nakon izlaganja predstavnika nadležnog ministarstva, članovi Komisije jednoglasno su odlučili predložiti Domu naroda davanje saglasnosti za ratifikaciju;

- Konvencije o dostavljanju u inozemstvo akata u građanskim i trgovačkim stvarima, Hag, 15. novembra 1965., i

- Konvencije o pribavljanju u inozemstvu dokaza u građanskim i trgovačkim stvarima, Hag, 18. marta 1970.

Ad.10. Davanje saglasnosti za ratifikaciju Sporazuma između Bosne i Hercegovine, koju predstavlja Ministarstvo civilnih poslova BiH, i Komonvelta Australije, koju predstavlja Ministarstvo zdravlja, vezano za određena prava korištenja AR-DRG sistema klasifikacije

Uvodno obrazloženje iznijela je Draženka Malićbegović, pomoćnica ministra civilnih poslova za sektor zdravstva. Istakla je da je Predsjedništvo BiH na 27. sjednici, održanoj 29.11.2007., utvrdilo osnove za vođenje pregovora i nacrt sporazuma. AR-DRG je oznaka za australijski sistem određivanja srednje vrijednosti usluga u medicinskim ustanovama. Uslovi za zaključivanje ovakvog sporazuma stvoreni su nakon primjene SITAC projekta koji je finansirala Svjetska banka, kojim su predviđeni i novi mehanizmi plaćanja medicinskih usluga.

Nakon datog obrazloženja članovi Komisije jednoglasno su odlučili predložiti Domu naroda davanje saglasnosti za ratifikaciju Sporazuma između Bosne i Hercegovine, koju predstavlja Ministarstvo civilnih poslova BiH, i Komonvelta Australije, koju predstavlja Ministarstvo zdravlja, vezano za određena prava korištenja AR-DRG sistema klasifikacije.

Ad.11. Davanje saglasnosti za ratifikaciju Sporazuma između Bosne i Hercegovine i Republike Mađarske o socijalnom osiguranju i socijalnoj sigurnosti

Ad.12. Davanje saglasnosti za ratifikaciju Administrativnog sporazuma za provođenje Sporazuma između Bosne i Hercegovine i Republike Mađarske o socijalnom osiguranju i socijalnoj sigurnosti

Predsjedavajuća je predložila da se oba ova sporazuma razmatraju zajedno s obzirom da se međusobno dopunjuju. Prijedlog je prihvaćen nakon čega je uvodno obrazloženje dao Damir Dizdarević, pomoćnik ministra civilnih poslova BiH. Postupak za vođenje pregovora radi zaključenja sporazuma o socijalnom osiguranju s Republikom Mađarskom odobren je odlukom Predsjedništva BiH, od 18.02.2007. Dodao je da se ovakvi sporazumi zaključuju sa svim zemljama gdje u značajnijem broju žive naši građani. Sporazumima se uređuju različita pitanja iz oblasti socijalne sigurnosti kao što su: zdravstvena zaštita, penzijsko-invalidska zaštita, bolovanja, zaštita materinstva, zaštita u slučaju nezaposlenosti i druge vrste naknada. Pregovore o zaključivanju oba sporazuma vodila je delegacija sastavljena od predstavnika Minsitarstva civilnih poslova BiH, Ministarstva vanjskih poslova BiH, entitetskih ministarstava nadležnih za rad, zapošljavanje, socijalnu zaštitu i zdravstvo, entitetskih zavoda za penzijsko-invalidsko osiguranje, predstavnici entitetskih i Zavoda za zdravstvenu zaštitu Brčko Distrikta BiH. Oba sporazuma potpisana su 12.6.2008. u Sarajevu tokom posjete mađarskog premijera Ferencu Đurčanija Bosni i Hercegovini.

Nakon datog obrazloženja, članovi Komisije jednoglasno su odlučili predložiti Domu naroda davanje saglasnosti za ratifikaciju:

- *Sporazuma između Bosne i Hercegovine i Republike Mađarske o socijalnom osiguranju i socijalnoj sigurnosti;*
- *Administrativnog sporazuma za provođenje Sporazuma između Bosne i Hercegovine i Republike Mađarske o socijalnom osiguranju i socijalnoj sigurnosti.*

(Predsjedavajuća Čolo konstatirala je da je sjednicu Komisije iz opravdanih razloga napustio Branko Zrno, te da Komisija nastavlja raditi s pet članova.)

Ad.13. Davanje saglasnosti za ratifikaciju Protokola iz Kartagene o biosigurnosti uz Konvencije Ujedinjenih naroda o biološkoj raznolikosti

Uvodno obrazloženje o Protokolu dao je Senad Oprašić, šef Odsjeka za zaštitu okoline u Ministarstvu vanjske trgovine i ekonomskih odnosa BiH. Istakao je da se radi o protokolu koji je sastavni dio Konvencije o biološkoj raznolikosti koju je Bosna i Hercegovina već potpisala. Također, ratifikacija ovog protokola jedan je od zahtjeva koje BiH treba ispuniti na putu ka Evropskoj uniji. Protokol o biološkoj sigurnosti usmjeren je na zaštitu biološke raznolikosti od potencijalnog rizika koji predstavljaju živi genetski modificirani organizmi. Protokol prepoznaje potencijalnu korist moderne biotehnologije i nameće kontrolu, prije svega u prekograničnom prometu ovih organizama. Svaka država i dalje zadržava pravo da pitanje genetski modificiranih organizama na svojoj teritoriji uredi posebnim zakonskim propisima. Podsjetio je da je Prijedlog zakona o modificiranim organizmima BiH već upućen u parlamentarnu proceduru.

Nakon iznesenog obrazloženja, članovi Komisije jednoglasno su odlučili predložiti Domu naroda davanje saglasnosti za ratifikaciju Protokola iz Kartagene o biosigurnosti uz Konvenciju Ujedinjenih naroda o biološkoj raznolikosti.

Ad.14. Davanje saglasnosti za ratifikaciju Sporazuma o finansiranju između Bosne i Hercegovine i Komisije Evropskih zajednica u pogledu prekograničnog programa između Bosne i Hercegovine i Republike Hrvatske za 2007. godinu na osnovu instrumenta za pretpristupnu pomoć – Komponenta II Prekogranična saradnja

Ad.15. Davanje saglasnosti za ratifikaciju Sporazuma o finansiranju između Bosne i Hercegovine i Komisije Evropskih zajednica u pogledu prekograničnog programa između Bosne i Hercegovine i Republike Srbije za 2007. godinu na osnovu instrumenta za pretpristupnu pomoć – Komponenta II Prekogranična saradnja

Ad. 16. Davanje saglasnosti za ratifikaciju Sporazuma o finansiranju između Bosne i Hercegovine i Komisije Evropskih zajednica u vezi s nacionalnim programom za 2007. godinu u okviru instrumenta za pretpristupnu pomoć – Komponenta za pomoć u tranziciji i izgradnji institucija

S obzirom da se sva tri sporazuma odnose na pitanja finansiranja iz sredstava instrumenata za pretpristupnu pomoć (IPA), predsjedavajuća Komisije predložila je da se sva tri sporazuma razmatraju zajedno, što je jednoglasno prihvaćeno. Obrazloženja ovih sporazuma dali su Vera Letica, pomoćnica ministra finansija i trezora BiH, koji je u ime Bosne i Hercegovine i potpisao sporazume, i Zara Halilović, i v.d. pomoćnice direktora Direkcije za evropske integracije BiH, s obzirom da je Direkcija za evropske integracije aktivno učestvovala u pripremi i zaključivanju ovih sporazuma kao i u pripremama projekata koji će na bazi ovih sporazuma biti realizirani. U obrazloženju je navedeno da se predlaže davanje saglasnosti za ratifikaciju dva sporazuma o prekograničnoj saradnji u okviru finansiranja iz IPA sredstava, a uskoro će biti upućen u ratifikaciju i treći takav sporazum između Bosne i Hercegovine i Crne Gore. Sporazumi su praćeni s prilogima u kojima se nalaze podaci o projektima koji će biti finansirani iz IPA sredstava Evropske unije. *Nakon iznesenog obrazloženja, članovi Komisije jednoglasno su odlučili predložiti Domu naroda davanje saglasnosti za ratifikaciju:*

- *Sporazuma o finansiranju između Bosne i Hercegovine i Komisije Evropskih zajednica u pogledu prekograničnog programa između Bosne i Hercegovine i Republike Hrvatske za 2007. godinu na osnovu instrumenta za pretpristupnu pomoć – Komponenta II Prekogranična saradnja*
- *Sporazuma o finansiranju između Bosne i Hercegovine i Komisije Evropskih zajednica u pogledu prekograničnog programa između Bosne i Hercegovine i Republike Srbije za 2007. godinu na osnovu instrumenta za pretpristupnu pomoć – Komponenta II Prekogranična saradnja*
- *Sporazuma o finansiranju između Bosne i Hercegovine i Komisije Evropskih zajednica u vezi sa nacionalnim programom za 2007. godinu u sklopu instrumenta za pretpristupnu pomoć – Komponenta za pomoć u tranziciji i izgradnji institucija.*

Ad.17. Davanje saglasnosti za ratifikaciju Sporazuma o zajmu, finansiranju i projektu između KfW Frankfurt am Main i Bosne i Hercegovine, koju zastupa Ministarstvo finansija i trezora BiH, Federacije Bosne i Hercegovine, koju zastupa Ministarstvo finansija i Elektroprivrede Hrvatske zajednice Herceg Bosne d.d. Mostar (EP HZHB) – Sanacija hidroelektrane Rama

Ad.18. Davanje saglasnosti za ratifikaciju Sporazuma o izmjenama i dopunama br. 1 Ugovora o zajmu, od 1. augusta 2006., između Bosne i Hercegovine i Evropske banke za obnovu i razvoj – Projekat upravljanja zračnim saobraćajem

Predsjedavajuća Komisije Alma Čolo predložila je da se ova dva sporazuma, s obzirom da se odnose na sličnu problematiku, razmatraju zajedno, što je i prihvaćeno. Uvodno obrazloženje dao je Mirosljub Krunić, pomoćnik ministra finansija i trezora BiH. Naglasio je da je za oba sporazuma provedena sva neophodna procedura predviđena zakonom. Prvi sporazum je u vrijednosti od 17 miliona eura, od čega je 10 miliona zajam a 7 miliona finansijski doprinos. Sredstva su namijenjena za obnovu Hidroelektrane Rama. Za drugi sporazum istakao je da se radi o izmjeni i dopuni Ugovora o zajmu koji je Bosna i Hercegovina zaključila s Evropskom bankom za obnovu i razvoj. Pozvao je članove Komisije da predlože Domu naroda da da saglasnost za ratifikaciju oba ova sporazuma, nakon čega su *članovi Komisije jednoglasno odlučili predložiti Domu naroda davanje saglasnosti za ratifikaciju:*

- *Sporazuma o zajmu, finansiranju i projektu između KfW Frankfurt am Main i Bosne i Hercegovine, koju zastupa Ministarstvo finansija i trezora BiH, Federacije Bosne i Hercegovine, koju zastupa Ministarstvo finansija, i Elektroprivrede Hrvatske zajednice Herceg Bosne d.d. Mostar (EP HZHB) – Sanacija hidroelektrane Rama;*
- *Sporazuma o izmjenama i dopunama br. 1 Ugovora o zajmu, od 1. augusta 2006., između Bosne i Hercegovine i Evropske banke za obnovu i razvoj – Projekat upravljanja zračnim saobraćajem.*

Ad.19. Razmatranje rang-liste kandidata za člana Upravnog odbora Javnog radiotelevizijskog servisa BiH iz reda ostalih (Rang-lista Vijeća Regulatorne agencije za komunikacije BiH)

Kratku informaciju o provedenoj proceduri za imenovanje člana Upravnog odbora Javnog radiotelevizijskog servisa BiH dala je Dunja Mijatović, direktorica Sektora u Regulatornoj agenciji za komunikacije BiH. Nakon toga je predsjedavajuća Komisije podsjetila da je Komisija za saobraćaj i komunikacije Predstavničkog doma također razmatrala ovu rang-listu i jednoglasno je prihvatila te predložila Predstavničkom domu da, u skladu s članom 26. stav 1. Zakona o Javnom radiotelevizijskom servisu BiH, imenuje člana Upravnog odbora s rang- liste kandidata koji su ušli u uži izbor. Predstavnički dom je na 35. sjednici, održanoj 24.9. i 7. i 8.10.2008., za člana Upravnog odbora Javnog RTV servisa BiH imenovao Mirka Vukovića.

Nakon obavljene rasprave, Komisija je većinom glasova (tri glasa “za” i dva glasa “protiv”) prihvatila rang-listu kandidata za člana Upravnog odbora Javnog radiotelevizijskog servisa BiH iz reda ostalih, i odlučila da se ona predlaži Domu naroda da, u skladu s članom 26. stav 1. Zakona o Javnom radiotelevizijskom servisu BiH, imenuje člana Upravnog odbora s rang-liste kandidata koji su ušli u uži izbor.

Ad. 20. Razmatranje dopisa predsjedavajućeg Parlamenta Republike Moldavije u vezi sa uspostavljanjem interparlamentarne radne grupe u jugoistočnoj Evropi (Dopis Kolegija Doma naroda Parlamentarne skupštine BiH, broj: 02-50-1-24-18-4/08 od 3.9.2008.)

Predsjedavajuća komisije upoznala je prisutne da je Regionalni sekretarijat za parlamentarnu saradnju u jugoistočnoj Evropi u okviru Procesu saradnje u Jugoistočnoj Evropi (SEECp) na regionalnoj radionici održanoj 5. i 6. juna ove godine u Sofiji, između ostalog, zaključio da je potrebno da se uspostavi interparlamentarna radna grupa koja bi u oblasti parlamentarne saradnje u okviru SEECp-a radila na definiranju glavnih prioriteta od zajedničkog interesa. U vezi tim je predsjedavajući Parlamenta Republike Moldavije (zemlje koja predsjedava SEECp-om) uputio pismo Parlamentarnoj skupštini BiH (na ime predsjedavajućih oba doma) s molbom da PSBiH imenuje najmanje jednog člana u pomenutu interparlamentarnu radnu grupu. U pismu se predlaže da se po mogućnosti imenuje član iz komisija za vanjske poslove ili evropske integracije. Kolegij Doma naroda je na 18. sjednici, održanoj 3.9.2008., razmatrao dopis predsjedavajućeg Parlamenta Republike Moldavije i prosljedio ga Komisiji za vanjsku i trgovinsku politiku, carine i transport i komunikacije sa zahtjevom da se dostavi prijedlog Komisije za člana interparlamentarne radne grupe u Regionalnom sekretarijatu za parlamentarnu saradnju u Jugoistočnoj Evropi.

Dalje je podsjetila da je Zajednička komisija za evropske integracije na 14. sjednici, održanoj 8.9.2008., razmatrala pismo predsjedavajućeg Parlamenta Moldavije i s tim u vezi donijela zaključak da Kolegiju Predstavničkog doma predloži da se član Milica Marković, koja je član i Komisije za vanjske poslove Predstavničkog doma, imenuje u navedenu radnu grupu.

S obzirom da je član Komisije Slobodan Šaraba učestvovao na pomenutoj regionalnoj radionici u Sofiji, predsjedavajuća je predložila da Komisija uputi Kolegiju Doma naroda prijedlog da se Slobodan Šaraba, član ove komisije, imenuje u navedenu interparlamentarnu radnu grupu. Prijedlog je prihvaćen sa 4 glasa "za" i jedan "suzdržanim" (S. Šaraba).

Ad. 21. Informacija Ministarstva vanjskih poslova BiH o zasjedanju Komiteta za vanjske poslove Evropskog parlamenta (AFET), 6. i 7. 10. 2008. godine

Članovi Komisije za vanjsku i trgovinsku politiku, carine, saobraćaj i komunikacije Doma naroda jednoglasno su primili k znanju Informaciju Ministarstva vanjskih poslova BiH.

Ad. 22. Tekuća pitanja

- **Zabilješka sa zajedničkog sastanka Komisije za vanjske poslove Predstavničkog doma Parlamentarne skupštine BiH i Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH s novoimenovanim ambasadorima Bosne i Hercegovine, održanog 11.9.2008.**

Članovi Komisije za vanjsku i trgovinsku politiku, carine, saobraćaj i komunikacije Doma naroda razmotrili su i jednoglasno primili k znanju Zabilješku sa zajedničkog sastanka Komisije za vanjske poslove Predstavničkog doma Parlamentarne skupštine BiH i Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH s novoimenovanim ambasadorima Bosne i Hercegovine, održanog 11.9.2008.

Sjednica Komisije završena je u 13,30 sati.

Sekretar Komisije
za vanjsku i trgovinsku politiku,
carine, saobraćaj i komunikacije
Nenad Pandurević

Predsjedavajuća Komisije
za vanjsku i trgovinsku politiku,
carine, saobraćaj i komunikacije
Alma Čolo